


1625_0042.jpg




M. DC. XXV.


42 ne leur laissoit que les os. Que les entreprises faites par les François depuis 130. ans n'auoient point aggrandy leur Royaume, par ce que l'argent auoit tousiours manqué aux plus belles entreprises. Qu'Henry le Grand ayant desir d'exccuter vn grand dessein, auoit trauaillé maintes années pour en amasser dans la Bastille auparauant qu'il commençast ses leuées de gens de guerre. Qu'il faudroit vne puissante armée pour entrer en Allemagne, grand pays, armé de vieilles troupes & victorieuses, garny de fortes villes, qui ruineroient facilement vne petite armée. Qu'au mesme temps que les François entreroient en Allemagne, il leur faudroit aussi plusieurs armées de terre, tant aux frontieres de Flandres, (de peur de perdre leur pays en pensant aller prendre celui d'autrui,) qu'en la Duché de Bourgogne, & vers les monts Pirenées: sans compter l'armée nauale qu'il faudroit tenir prestee pour garantir la Prouence & le Languedoc des galeres d'Italie; outre l'entretien des garnisons au milieu du Royaume pour y empeschier les soudains remuëments: Que tous Royaumes estoient rarement exempts des guerres ciuiles, mais que la France ne l'estoit iamais. Que bien que la France ne fust suffisante pour l'entretienement de tant d'armées, toutesfois qu'il ne la falloit laisser desarmée craignant que l'on ne la print au default des armes.

7. Raïson. Que l'interruption du trafic, la diminution des peages, & la disette que ceste guerre causeroit dans les villes, estoit pour faire pren-


1625_0043.jpg




1625_0044.jpg



1625_0045.jpg



1625_0046.jpg




46 *M. DC. XXV.*


moins l'esprit troublé qu'auoient eu ceux des-
dites villes de l'Vnion protestante d'Allema-
gne, en ce qu'ils ne se repaissoient que de des-
pouilles & triomphes imaginaires, & ne pen-
soient non plus que les enfans aux perils &
difficultez qui s'y rencontreroient. Que l'Alle-
magne ne cedit point à la France en la puis-
sance des armes. Que l'Empereur ne permet-
troit point que son droit luy fust osté: Qu'il
auoit des armées toutes prestes pour deffendre
ses pays, & ne tarderoit gueres d'en auoir
d'autres pour enuahir la France.

14. Raïson. Que c'estoit vne erreur de se former l'Em-
pereur espuisé, & l'Allemagne sans coura-
ge & affligée: car en la guerre mespriser son
ennemy estoit souuent la premiere & derniere
faute. Que les forces de l'Empereur estoient
vsees, non consommées: Celles d'Allemagne
se trouuoient encores bien grandes: l'Empe-
reur receuoit ses aydes ordinaires: les villes a-
bondoient en richesses par leur trafic: & la
ieunesse courageuse & accoustumée aux armes
n'attendoit que le commandement pour se iet-
ter dans la France. Que les Seigneurs de Hon-
grie offroient à sa Majesté Imperiale de mener
à son seruice & à leurs frais cinq, six & iusqu'à
quinze mille Hongres. Qu'il y auoit des Prin-
ces Polonois qui s'estoient voulu obliger de
conduire cinquante mille Cosacques à fort pe-
rits gages, pourueu qu'on les menast en lieu où
il leur fust loisible de piller. Que si on donnoit
sujet à l'Empereur de se fascher contre les
François il enuoyeroit tous ces centaures là
dans leur Royaume.

1625_0047.jpg



1625_0048.jpg



48 M. DC. XXV.


* Je n'ay en leurs maladies * l'assistance des Prestres & peu laisser Sacrements, & mesmes les persecutoient com- passer cecy me leurs propres subjets Catholiques. sans ad- uertir le Lecteur de voir au fol. 492. du Dixiesme Tome de Mercure les Articles que sa Majesté Tres-Chrestienne a accordés à Messieurs des Estats des Prouinces Vnies, qui portent le contraire.

19. Raïson. Que la France fleurissante en hommes & en richesses, en pieté & en iustice, deuroit estre en amitié avec les Princes Catholiques, & en haine avec les Calvinistes, & puis elle ne craindroit point l'Espagnol ny sa puissance.


20. Raïson. Que les Venitiens (lesquels l'Autheur de ces Misteres appelle mauuais Chrestiens) les Anglois, les Hollandois, les amys de Mansfeld, & les Proscrits d'Allemagne, n'auoient autre dessein que d'embarquer le Roy Tres-Chrestien en vne guerre contre la Maison d'Austrie, sans toutesfois descourir le fonds de leur ame: Qu'ils feignoient grandement d'estre soucieux du bien de la France; mais en effect qu'ils ne pensoient qu'au leur, & que l'vnique cause qui les pouſſoit à la guerre estoit leur interest, & non celuy de la France.

VIII. Let- tre, pour mettre l'Angleterre en des desliances. La huitiesme lettre escrite de Londres & en- uoyée à la Haye, contenoit vne inuectiue contre le Roy de la Grand' Bretagne, vn blasme sur l'administation de ses Royaumes: des choses feintes, pour semer des ialousies & desliances entre le Roy, le Prince son fils, & la Princesse Eslectrice Palatine, les Seigneurs du Parle- ment, & entre le Clergé de la Confession d'An- gleterre, & les Ministres Puritains Calvinistes. Voylà l'extraict du contenu de ce liuret des Misteres

1625_0049.jpg



1625_0050.jpg



1625_0051.jpg




Image issue du site mercurefrancois.ehess.fr - Cliché (c) Cécile Soudan